

БУГУНГИ СОНДА:

Маҳалла тизими
ходимлари куни
муносабати
билан бир гуруҳ
юртдошларимиз
мукофотланди

Президент фармони билан маҳалланинг ўрни ва нуфузини юксалтириш, халқимиз орасида ўзаро ҳамжиҳатликни мустаҳкамлаш, оилаларда соғлом турмуш тарзини тарғиб этишга қўшган муносиб ҳиссаси учун маҳалла фаоллари эътироф этилди.

2-с.

Умумхалқ
ҳашарида
14,5 миллион
киши қатнашди

Уч кун давомида тадбирларда 14 миллион 515 минг нафардан зиёд фуқаро (шундан 10 миллион 48 минг нафардан ортиги ёшлар) иштирок этди. Хайрия тадбирларига 14 миллиард 311 миллион сўмдан ортиқ, шундан 1 миллиард 751 миллион сўмдан зиёд маблағ "Саховат ва кўмак" жамғармаси ҳисобидан сарфланди.

4-с.

“Қуйи тизим
қийин, аммо
тажриба
ўрганасиз”

Ўтган вақт ичида раҳбарлик юки, масъулияти, халқ ишончини оқлаш борасидаги билимларимни оширдим. Ҳақиқатдан ҳар бир раҳбар қуйи тизимда ишласа, халқ дардини тингласа, уларга нафи тегса ва дуосини олса, албатта, келажақда юқори марраларга эришиши мумкинлигига ўз тақдиримда амин бўлдим.

5-с.

Профилактика
инспектори
электромобиль
эгаси бўлди

“Намунали ҳуқуқ-тартибот маскани” қўриқ-танловининг республика босқичида фахрли биринчи ўрин Фарғона вилояти Боғдод туманидаги “Гулистон” маҳалласи ҳуқуқ-тартибот маскани профилактика инспектори, капитан Икромжон Сотволдиевга насиб этди.

6-с.

Бизни ижтимоий
тармоқларда кузатиңг!

@mahalla_raislari

@mahalladosh_1

@mahalladosh

Газетанинг
телеграмдаги
«uzmahallabot»ига
ўтиш учун QR-кодни
сканерланг!

Ўзбекистон Республикаси Президенти Шавкат Мирзиёевнинг Наврўз умумхалқ байрамига бағишланган тантанали маросимдаги нутқи

Ассалому алайкум, азиз ва муҳтарам ватандошлар!
Узоқ-яқиндан ташриф буюрган хур-матли меҳмонлар!

Сиз, қадрдонларимни, кўпмиллатли бутун Ўзбекистон халқини барчамиз соғиниб кутган Наврўзи олам билан самимий муборакбод этишдан бахти-ёрман.

Бугун фасллар алмашиб, еру қўқда илоҳий мўъжизалар юз бермоқда. Янги кун, янги мавсум, янги ҳаёт нафаси бошланмоқда. Табиат уйғониши билан зимистон кечалардан зериккан кўнгил-лар яшариб-яйрамоқда.

Албатта, бугунги шодиёна байрамни эл-юртимиз билан муаззам “Янги Ўзбекистон боғи”да ўтказишни ният қилган эдик. Лекин ҳаммамиз кўриб турибмиз – сўнги кунларда ҳаво совиб, ҳарорат бироз пасайиб қолди. Бугун оби раҳ-мат ёмғирлари билан осмондан ризқу рўз, қут-барака ёғмоқда. Ҳаммамиз бу ҳолатни шукроналик билан қабул қиламиз.

Мана шу муҳташам саройда туриб, барча-барчангизга энг эзгу ва самимий тилакларимни изҳор этишга ижозат бергайсиз.

Хуш келибсан юртимизга, гўзал Наврўз!

Олам сен билан нурга тўлсин!
Шарқона Янги йил ҳаммамизга му-борак бўлсин!

Давоми 2-саҳифада.



“Маҳалла замонга муносиб, ҳаракатчан бўлиши лозим”



Давоми 4-саҳифада.

Президент Шавкат Мирзиёев
19 март куни Яккасарой
тумани “Дилбулоқ”
маҳалласидаги бунёдкорлик
ишлари билан танишди

Санжар ИСМАТОВ
тайёрлади.

Бугун “Дилбулоқ”да ҳаётидан бахт, мазмун топган одамлар яшайди. Уларнинг тилида, дилида шукроналик туйғуси. Бу маҳалла чиройда, қулайликда пойтахтнинг энг олди маҳаллаларидан ўзиб кетди. Ваҳоланки, бундан уч-тўрт йил муқаддам ҳудуддаги анҳор бўйлари чакалақзор, ташландиқ ҳолда ётарди, пана-пастқам уйлар кўп эди...

Бир маҳаллада, аслида, нималар бўлиши керак? “Дилбулоқ”қа келиб ҳаммасини ўз кўзингиз билан кўришингиз мумкин. Зеро, маҳаллага бу йилги Наврўз янада кўтаринкилик билан келди. Давлат-хусусий шерикчилик асосида замонавий маҳалла идораси қурилди. Кўп қаватли уйлар йўлаги ва ички кўчалар, ертўлалар таъмирланди. Анҳор бўйи тартибга келтирилиб, обод сайилгоҳга айлантирилди. Ишқомлар, ниҳоллар, пиёдалар йўлаклари маҳаллага кўрк бағишлади. Ўтган йили кузда “Яшил макон” умуммиллий лойиҳаси доирасида қарийб 4 минг туپ дарахт ва бута кўчати ўтказилган эди. Шу кунларда кўп қаватли уйлар олдидаги майдонларга райхон, намозшомгул каби гуллар экилди.

22 март – МАҲАЛЛА ТИЗИМИ ХОДИМЛАРИ КУНИ!

Дахлдорлик, фидойилик ва ташаббус — давр даъват этаётган мезонлар



Маҳалла тизими бугун ислохотларнинг ҳал қилувчи бўғинига айланди. Ҳар қандай масала йиғиннинг ўзида ҳал этиляпти, ижтимоий ёрдам ва хизматлар кўрсатиш маҳалла даражасигача кириб борди. Тизимнинг жамиятдаги мавқеини янада ошириш, аҳоли муаммолари билан ишлашдаги иштирокини кенгайтириш мақсадида Ўзбекистон маҳаллалари уюшмаси ташкил этилди. Хўш, аини соҳадаги янгиланишлар маҳалла, аниқроғи, одамлар ҳаёти учун қандай аҳамиятга эга? “Маҳалла еттилиги” жамият ҳаётини қай даражада ўзгартиряпти? Одамлар маҳалла таъсирини, кўмагини қанчалик ҳис этапти? Шу каби саволлар билан Ўзбекистон маҳаллалари уюшмаси раиси Қаҳрамон ҚУРОНБОЕВНИ суҳбатга чорладик.

Давоми 3-у, 4-саҳифаларда.



Ўзбекистон ва Венгрия Ҳукуматлари ўртасида ҲАВО ҚАТНОВИ тўғрисидаги битим тасдиқланди.



Ўзбекистон ва Озарбайжон Ҳукуматлари ўртасида ЭНЕРГЕТИК ҲАМКОРЛИКни чуқурлаштириш тўғрисидаги Битим тасдиқланди.



Мактаб ўқувчилари учун БАҲОРГИ ТАЪТИЛ 21 мартдан бошланиб, 7 календарь кун – 28 мартга қадар давом этади.

Дахлдорлик, фидойилик ва ташаббус — давр даъват этаётган мезонлар



Давоми. Бошланиш 1-саҳифада.

— Хурматли Қаҳрамон Кўчқорович! Ўзбекистон маҳаллалари уюшмасининг давлат идораси, яъни вазирлик таркибидан алоҳида уюшма шаклида ажралиб чиқишига қандай зарурат бор эди? Қолаверса, маҳалланинг давлат бошқарувининг энг қўйи бўғини, мустақил ва халқчил тузилмага айланишида мазкур уюшманинг асосий вазифалари нима-лардан иборат?

— Маҳалла — халқ ва давлат ўртасидаги кўприк. Бу тузилма шунчаки жамият бошқарувининг қўйи тизими бўлибгина қолмай, эзгулик ва тарбия бешиги, яхши қўшничилик ва ҳамжиҳатлик маскани ҳамдир. Инсоннинг энг нозик жиҳати — эътиқоди, имони маҳалласидаги маънавий муҳитдан озуқа олиб шаклланади.

Шу боис кейинги йилларда маҳалланинг нуфузи оширилди, мазкур институтнинг мақоми Конституция даражасида мустаҳкамланди. Маҳалла тизими ислохотларнинг марказий ва ҳал қилувчи бўғинига айланди. Айниқса, барча соҳа ва йўналишлар бўйича “маҳаллабай”, “хонадонбай”, “оилабай” ишлаш тизими кенг жорий этилиб, “Обод ва хавфсиз маҳалла” тамойили амалиётга таътиб этилди.

Кўриниб турибдики, давлат барча ислохотларни айнан маҳалла орқали аҳолига етказишни мақсад қилган. Бу ўринда унинг мустақил ўзини ўзи бошқариш органи экани, маҳалла раисини бевосита халқнинг ўзи сайлаши, қолаверса, маҳалла одамларга энг яқин тузилма экани инобатга олинган.

Бирок сўнгги йилларда соҳада алоҳида махсус орган бўлмагани маҳаллаларни ривожлантиришга бўлган эътиборни сусайтираётган, маҳаллалар фаолияти устидан назорат ва мониторинг давлат органи зиммасига юклатилгани уларнинг ўзини ўзи бошқариш органлари мақомига зид бўлиб қолаётган эди.

Ушбу масаланинг ечими сифатида Президентнинг “Маҳалла институтининг жамиятдаги ролини тубдан ошириш ва унинг аҳоли муаммоларини ҳал этишда биринчи бўғин сифатида ишлашини таъминлашга қаратилган чора-тадбирлар тўғрисида”ги фармони билан нодавлат нотижорат ташкилот сифатида Ўзбекистон маҳаллалари уюшмаси ҳамда унинг вилоят ва туманлардаги бўлинмалари ташкил этилди.

Янги нодавлат нотижорат тузилмаси фуқаролар йиғинлари фаолиятини қўллаб-қувватлайди, уларнинг ҳуқуқ ва қонуний манфатларини ҳимоя қилади ва фуқароларнинг ўзини ўзи бошқариш органлари фаолиятини амалга ошириши учун зарур шарт-шароитлар яратди. Шунингдек, уларга қонунийликда белгиланган ваколатларини амалга оширишда кўмаклашади, “маҳаллабай” ишлашга масъул бўлган шахслар фаолиятини самарали ташкил этади ва уларнинг ўзаро ҳамкорлигини таъминлайди. “Обод ва хавфсиз маҳалла” тамойилини жамиятда тўлақонли ва самарали жорий этилишига кўмаклашади.

Ушбу мақсадларга эришиш учун, энг аввало, уюшма олдига маҳаллани халқ билан давлат ўртасидаги “кўприк” вазифасини амалга оширувчи халқчил тузилмага айланишини таъминлашдек фоят муҳим вазифа турибди. Бу ўз-ўзидан содир бўладиган жараён эмас. Қаранг, юқорида маҳаллани давлат бошқарувининг энг қўйи, ислохотларнинг марказий ва ҳал қилувчи бўғини деб атадик. Бу ерда маҳаллани фақат ижрочи бўғин сифатида тушунамслик керак. Қачонки, маҳалла фаол бўлса, ўзининг бугун ва эртаси учун ёниб яшаса, аҳолининг дарду ташвишларига шерик, фаровон ҳаёти учун дахлдор деб ҳис қилса, қўзланган мақсадга эришиш мумкин.

Энг муҳим вазифалардан яна бири — маҳаллани жамоатчилик бошқаруви ва назоратининг таянч бўғинига айлантириш, унинг жамиятдаги ўрни ва ролини кучайтириш, маҳалла бошқарувида аҳолининг фаол ишти-

рокини таъминлашдир. Бу борда ҳозиргача қабул қилинган қонунчилик меъёлари мавжуд ва янада такомиллаштирилади. Бироқ маҳалланинг ҳар бир масъули, фуқароси атрофдаги жараёнларга уйғоқ ва теран кўз билан қарамас экан, бу вазифани уддалаб бўлмайди. Ижро ҳоқимиятининг юқори ва қўйи идоралари фаолияти билан боғлиқ бўлган бу жараённи назорат қилиш катта тажриба, амалиёт ва билимни талаб қилади.

Маҳалланинг ҳар бир фуқароси ўзи ва оиласининг келажagini ўйлаб иш тутиши, даромадини ошириши, боқимандаликка ўрганмасдан жамият олдигаги масъулиятини сеза билиши керак. Бунинг учун “маҳалла еттилиги” маҳалланинг барча ички ресурсларини аниқлаши ва уларни ижтимоий хизматлар ва ёрдам кўрсатиш учун сафарбар этишда кўмаклашиши, маҳалланинг молиявий имкониятларини ошириш, камбағал фуқароларга ажратилаётган бюджет ва бошқа маблағларнинг мақсади ва манзилли йўналтирилишини таъминлаши зарур.

— Жамиятимизга «маҳалла еттилиги» деган иборанинг кириб келганига ҳали кўп бўлгани йўқ. Шундай бўлса-да, маҳаллаларда бу тизим фаолияти ташкил этилди, ходимларнинг вазифалари аниқ белгилаб қўйилди. Эътиборли жиҳати, маҳалла раисининг ваколатлари оширилиши билан бирга, аҳолига ижтимоий ёрдам кўрсатиш ва субсидиялар ажратиш мазкур “еттилик”нинг ўзаро коллежалар қарори асосида ҳал этилиши белгиланди. Бу жараёнда шаффофлик қандай таъминланади? Умуман, “маҳалла еттилиги”нинг жорий этилиши жамият ҳаётида қандай ўзгаришлар ясаydi?

— Давлатимиз раҳбари қайд этганидек, бугунги кунда ҳамма иш маҳаллада, халқимиз билан биргаликда ташкил қилинмоқда. Бу тизим босқичма-босқич ривожлантирилмоқда, унга қўшимча куч, имкониятлар берилляпти. Бу, албатта, ҳам ваколат, ҳам масъулият дегани. Бу ишларнинг барчасини битта раиснинг ўзи уддалай олмаydi, очиги, улгурмаydi. Шу боис бу масаланинг ечими сифатида маҳалла раиси, ҳоким ёрдамчиси, ёшлар етакчиси, хотин-қизлар фаоли, профилактика инспектори, ижтимоий ходим ва солиқ инспекторидан иборат “маҳалла еттилиги” ташкил этилди.

Ҳозирда “маҳалла еттилиги” аъзоларининг 86 фоизини олий маълумотга эга бўлган малакали кадрлар ташкил этади. Уларнинг 24 фоизи ёш ходимлар экани бугунги кунда аҳоли муаммоларини ҳал этишда ёшлар имкониятидан кенгрок фойдаланилаётганини кўрсатади. Қолаверса, “еттилик” ходимлари ичида аёллар ҳиссаси 25 фоизга яқин.

“Маҳалла еттилиги”нинг фаолияти асосий самарадорлик кўрсаткичлари (КРП) бўйича алоҳида баҳоланади. Бунда маҳалла раислари ходимларни КРП баҳолашда 20 фоиз балл бериш ҳуқуқига эга бўлади. Қолаверса, ходимларнинг ишга келиб кетиши тўғрисидаги давоматни ҳам (табелни) маҳалла раислари юрлатади.

“Еттилик” тизими йўлга қўйилгач, маҳаллалардаги барча масалалар тизимли ҳал этилишига имкон яратилди. Шу мақсадда аҳоли қайфиятига салбий таъсир кўрсатувчи муаммоларни бартарати эш бўйича “Йўл харита”лари, маҳаллалар “Омбор дафтери” ишлаб чиқилди. Унга кўра, маҳалла инфратузилмаси яхшиланади, “Ижтимоий ҳимоя ягона реестри”да турган 2,6 миллионга оила ҳамда 821 минг нафар ногиронлиги бўлган шахсларга ёрдам кўрсатилади, 26,2 мингта нотинч оила ҳамда 320 минг нафар жиноят содир этиш эҳтимоли юқори бўлган шахслар билан алоҳида ишлаш чоралари кўрилади.



Аҳолининг бандлигини таъминлашда ҳам “маҳалла еттилиги”нинг ўрни ортиб бормоқда. Шу боис 9 452 та маҳалла, 832 та сектор, 208 та туман (шаҳар) бандлик дастури шакллантирилди. Ҳоким ёрдамчилари кўмағида 34 133 нафар фуқаро даромадли меҳнат билан бандлиги таъминланди. 3 416 нафар аҳоли касб-хунар ва тadbиркорликка ўқитиш учун йўналтирилди. Хотин-қизлар фаоли ташаббуси билан ажралли ёқасидаги 3 144 та оила аниқланган бўлиб, шундан 1 621 таси яраштирилди. Ишлаш истаги бўлган 7 389 нафар хотин-қизнинг бандлиги таъминланди.

2024 йил 1 мартдан бошлаб, 64 турдаги ёрдам ва субсидиялар “маҳалла еттилиги”нинг коллежал қарори асосида амалга оши-

риляпти. Бунинг натижасида моддий ёрдам тайинлашнинг 5 босқичли тартиби 3 босқичга туширилди. Бу жараёнда “маҳалла еттилиги” ўзи мустақил қарор қабул қиялпти ҳамда ушбу қарорлар учун аҳоли олдида жавобгар бўлади.

Бу ўринда шаффофлик қандай таъминланади, деган савол бердингиз. Гап шундаки, ҳозирда ҳоким ёрдамчиси, хотин-қизлар фаоли ва ёшлар етакчиси алоҳида юритаётган тарқоқ платформалар ўрнига Маҳалланинг ягона платформаси жорий қилиняпти. Платформа «Темир дафтар», «Ёшлар дафтери» ва «Аёллар дафтери» платформалари билан ўзаро интеграция қилинади. Натижада ижтимоий ёрдамлар ҳақиқатда унга муҳтож бўлган аҳоли қатламига кўрсатилганини кузатиш мумкин.

Шу билан бирга, 25 та йўналиш бўйича жами 401 та кўрсаткич асосида 9 452 та маҳалла, 208 та туман (шаҳар) ва 14 та худуднинг “Баланси” шакллантирилди. Айнан “Маҳалла баланси” орқали аҳолига «маҳалла еттилиги» томонидан кўрсатилаётган ёрдам кўлами ва манзиллилигини ўрганиш ҳамда улар фаолиятига баҳо бериш имкони мавжуд. Маҳалла аҳолисига кўрсатилиши мумкин бўлган ижтимоий ёрдам ва ушбу ёрдамдан фойдаланган шахслар тўрисида ёрдам турлари кесимида маълумотлар билан танишиш мумкин бўлади.

— Авваллари, аксарият ҳолларда маҳалла кўмак сўраб келган фуқарога зарур ёрдам бера олмаган. Чунки унинг ўзи ёрдамга муҳтож бўлган, даромад, кўмак манбаи бўлмаган. Ҳозир маҳалланинг молиявий мустақил бўлиши кераклиги, “маҳалла бюджети” ва жамғармаси ташкил этилиши ҳақида кўп гапириляпти. Айтингчи, маҳалла муаммоларини ечиш ва аҳоли эҳтиёжларини қоплашда бу тизимнинг самараси қандай бўлади?

— Тўғри, таъкид, қўйи бўғиндаги барча муаммо маҳаллага келиб тақалади. Маҳалла раиси мазкур жараёнинг ҳаммасида иштирок этиши шарт. Аммо шундай паллада раисларни қийнаб келаятган бир масала юзага чиқарди: маҳалланинг ўз маблағига эга эмаслиги. Демак, худуд ривожланиши учун, аввало, маҳалланинг ўз бюджети бўлиши керак.



Шу боис 2024 йил 1 январдан бошлаб, барча маҳаллаларда “Маҳалла бюджети” тизими амалиётга жорий қилинди. Ҳар бир йиғинда Маҳалланинг ижтимоий-иқтисодий муаммоларини ҳал этиш жамғармаси ташкил этилди. Жорий йилнинг ўтган даври мобайнида ер ва мол-мулк солиғи ҳисобидан 822,6 миллиард сўм солиқ тушуми ундирилиб, маҳалла бюджетига 82,2 миллиард сўм даромад туширилди. Айтиш керакки, янги тизим маҳалланинг ҳам сиёсий, ҳам ижтимоий, ҳам иқтисодий салоҳиятини оширади. Жамғарма маблағларини сарфлаш ваколати маҳалланинг ўзига берилади. Шу мақсадда алоҳида Йўриқнома ишлаб чиқилди. Зеро, қаерда, қандай муаммо борлигини уларнинг ўзи яхши билади. “Еттилик” вакиллари биргаликда ижтимоий-иқтисодий муаммоларни ўрганиб, шу асосда еш олиб боради. Маҳалла раислари узоқ кутилган, уларни анча йиллардан бери уйлантириб келган ва бугунги кунда долзарб аҳамият касб этаётган “молиявий дастак”ка эга бўлишиди. Бу орқали уларнинг ўз худудини обод қилиш ташаббуслари ортади.

Умуман олганда, энди маҳалла кимнингдир ёрдамига муҳтож тузилма эмас, барча жараёнларнинг марказида турувчи, одамларни ҳаракатга келтирувчи ижтимоий кучга айланди. Бундан, албатта, ҳамма ютади: давлат ҳам, маҳалланинг ўзи ҳам, оддий одамлар ҳам.

— Сухбатимиз ўз-ўзидан аҳоли, тўғриси айтиш, ҳар бир хонадон, фуқаро муаммосини ҳал этишга бориб тақалляпти. Ахир муаммолар маҳаллада ҳал этилиши керак-да. Кузатганимиз, аҳоли ташвишлари ва дардини ариштида “маҳаллабай”, “фуқаробай”, “хонадонбай” ишлаш асосида «Андижон тажрибаси», «Хоразм тажрибаси», «Сайхунбод тажрибаси» йўлга қўйляпти. Бу худудлар тажрибаларининг моҳияти ва бир-биридан фарқи ҳақида сўзлаб берсангиз.

— Юқорида айтганимиздек, бугун барча масалалар маҳалланинг ўзида ечим топишига ургу берилляпти. Бунинг учун маҳаллага — давлатнинг қўйи бўғиндаги бошқарув органига ваколат ҳам, маблағ ҳам, имконият ҳам тақдим

этиляпти. “Маҳалла еттилиги” бундан самарали фойдаланиб, одамлар муаммосига имкон қадар жойида ечим топиши керак. Шу маънода сиз қайд этган ўзига хос тажрибаларнинг умумий мақсади аниқ — ҳар бир худуднинг ўзига хос шароити ва меҳнат ресурсларини инобатга олган ҳолда ишлаб чиқаришни йўлга қўйиш, одамларни рози қилиш, даромадларини кўпайтириш, маҳалланинг обрўсини ошириш, маҳалла орқали аҳолига кўмак кўрсатиш.

“Андижон тажрибаси” асосида маҳалла тизимига оид 8 та йўналиш белгилаб олинди. Унга кўра, маҳалла ҳақидаги умумий маълумотлар, демографик кўрсаткичлар, аҳолининг ижтимоий ҳолати, бандлик, таълим, хотин-қизлар, маҳалла инфратузилмаси, жамоатчилик тузилмалари каби йўналишлар маҳалла олинди. Маҳалла дастури орқали ижтимоий-маънавий муҳитни соғломлаштириш, инфратузилмани яхшилаш, бандликни таъминлаш чоралари кўрилди. Маҳалла раисининг қуниқ, ҳафталик, ойлик, чораклик иш режаси тузилди, бир ойлик тадбирлар режаси асосида турли маънавий-маърифий, спорт тадбирлари ўтказилди.

“Хоразм тажрибаси” маҳалла кўмағида ишсиз ёшлар бандлигини таъминлашга қаратилган. Унга кўра, жорий йилда ёшларнинг ўзига республика бўйича 60 минг 500 гектар ер ажратилиши кўзда тутилган. Режага кўра, энг серунум, сувга бой ерлар эҳтиёжи бор, оддий одамларга берилади. Бунда янги тартиб ўрнатилади. Туман ҳокимлари ерни сув таъминоти яхши жойдан ажратишга масъул бўлади. Ҳар бир ёшга қанча майдон ажратиш бўйича “маҳалла еттилиги” тақлиф беради. Ер олган ёшлар “Фермерлар мактаби”да ҳосилдор экспортбop экинлар етиштиришга ўқитилади. Мини-техника, уруғ ва кўчатлар сотиб олишга “Ёшлар дафтери” жамғармаси ҳамда Фермерлар жамғармасидан субсидия ажратилади. Деҳқон ёшларга экспортчи ва қайта ишловчи тадбиркорлар кооперация асосида бириктирилади. Сирасини айтганда, ёшларга ер илми ўргатилиб, сўнгра ер берилади. Қўлида иши бўлмаган, доимий даромади йўқ бу ёшлар “Бир маҳалла — бир махсулот” тамойили асосида ҳосил етиштиришади.

“Сайхунбод тажрибаси” ҳақида сўз кетганда, у томорқа ва уй ҳўжаликлари имкони-ятларини тўлиқ ишга солишга хизмат қилади. Бу ерда илк бор янги тажриба қилиниб, маҳаллаларнинг ҳар бирига биттадан мини трактор, 4 тадан мотокультиватор олиб берилади. Эндиликда ҳоким ёрдамчилари “1 сотих томорқадан камида 1–2 миллион сўм даромад” деган мезон асосида аҳоли учун бизнес режа ишлаб чиқади. Маҳалладаги агрономлар билан бирга томорқа ерларини ҳайдаш ва экин экиш хизматларини кўрсатади. Бу тажриба бутун республикада оммалаштирилади.

Шунингдек, томорқада етиштирилган махсулотни сотиб олиш тизими йўлга қўйляди. Маҳаллаларнинг ҳар бирида 10 тадан хонадонда намунавий интенсив боғ яратилади. Ҳар бир намунавий хонадон келгусида қўни-қўшниларини бунга ўргатади. Қолаверса, хонадонларда терак етиштирилади, кооперация асосида паррандачилик йўлга қўйилади, балиқчилик ривожлантирилади. Чорвачилик йўналишида Оилавий тадбиркорлик дастури доирасида 33 миллион сўм имтиёзли кредит гаровсиз, нақд пулда берилади. Умуман олганда, бундай тизим орқали ҳар бир маҳалла, ҳар бир кўча, ҳар бир хонадон қамраб олинади.

— Маҳалладаги муаммоларни фақат шу тизимда ишловчи ходимлар билан қамраб олиш имконсиз, албатта. Бу йўналишда жамоатчилик тузилмалари, нурунийлар, зиёлилар фаоллиги нихоятда зарур. Очигини айтиш керак, мазкур жамоатчилик тузилмалари фаолияти ҳар доим самарали кечмаган. Уюшма мазкур тузилмалар билан маҳаллаларнинг ўзаро ҳамкорлигини мустаҳкамлашда қандай режаларни белгиланган?

— Тўғри, маҳалла ишини фақат “еттилик” вакиллари билан ҳал этиб бўлмайди. Бу борда муҳтарам отахон ва онахонларимиз, кўча ва уй бошликлари, имом-хатиб ва отинойилар, зиёлиларимиз, жамоатчилик тузилмалари вакилларининг ўрни нихоятда муҳим. Шу боис тегишли “Йўл харитаси”га асосан, уларнинг ижтимоий фаоллигини кучайтириш, рағбатлантириш тизимини яратиш борасида ишляппмиз.

Алоҳида айтиш керак, маҳалла ёшлари билан кўпроқ мулоқот қилиш, уларнинг қалбига қулоқ солиш, дардини билиш, муаммоларига ечим топиш, уюшмадан ёшлар билан ишлаш, ўғил-қизларимизни китобхонликка жалб этиш, ҳарбий хизмат учун муносиб мард ва ботир йигитларни тарбиялаб бориш каби ишларга маҳалладаги жамоатчилик тузилмалари, “Маҳалла назорати” ва “Кексалар маслаҳати” гуруҳлари, “Оқила аёллар” ҳаракати фаолларини сафарбар этсак, маҳалланинг қурби етмайдиган ишининг ўзи қолмайди. Ҳар қандай муаммони ўзаро ҳамкорлик ва изчи ҳаракат билан ҳал қилиш мумкин.


Биргина рақам: жамиятда соғлом маънавий муҳит асосларини мустаҳкамлаш мақсадида маҳалла фаоллари кўмағида ахралиш ёқасига келиб қолган 1 042 та ийла яраштирилгани, 2 999 та йилнинг нотинчлигига барҳам беришгани, 7 772 та (82,2 фоиз) маҳаллада жиноят содир этилишига йўл қўйилмагани, албатта, маҳаллалардаги жамоатчилик тузилмаларининг саъй-ҳаракати ва фаоллиги билан боғлиқ.

Давоми 4-саҳифада.

22 МАРТ — МАҲАЛЛА ТИЗИМИ ХОДИМЛАРИ КУНИ!



Электромобиль
ва гибрид автомобиллар
ИШЛАБ ЧИҚАРИШ
ҚЎВВАТИ йилига
500 минг донгача
оширилади.



Фуқароларга
ПЕНСИЯ ТАЙИНЛАШ
учун Давлат хизматлари
марказлари ёки
ЯИДХП (my.gov.uz)
орқали мурожаат қилиш
хуқуқи берилди.



Қонун билан пенсиянинг
ЭНГ КАМ МИҚДОРИ
ЭНГ кам истёъмол
харажатлари даражасидан
оз бўлмаслиги белгиланди.

Дахлдорлик, фидойилик ва ташаббус — давр даъват этаётган мезонлар



Давом. Бошланиши 1-3-саҳифаларда.

— «Бир болага етти маҳалла ҳам ота, ҳам она», деганда маҳалланинг жамиятимизда кузатиладиган маънавий-маърифий жараёнларга дахлдор тузилма эканлигини кўрамиз. Албатта, оила, фарзанд, ёшлар таълим-тарбиясида маҳалла бениҳоя таъсирчан куч бўлиб келган. Аммо бугунги кунда бу таъсирчанлик анча сусайгандек. Жамиятда оилавий ажралишларнинг кўпайгани, фарзандларнинг тарбиясидаги кемтиклик, ёшларнинг ёт унсурлар таъсирига тушиб қолиши, хуллас маънавий муҳитдаги беқарорликлар ҳақида кўп гапирса бўлади. Энг муҳими, маҳалла маънавиятнинг юзи бўлиши кераклигини Президентимизнинг ўзи талаб қилаяпти. Айни йўналишдаги чора-тадбирлар маҳалла-ларда қандай тартибда йўлга қўйилади?

— 2023 йил 22 декабрь куни давлат раҳбари раислигида ўтказилган Республика Маънавият ва маърифат кенгашининг кенгайтирилган йиғилишида устувор аҳамиятга эга бўлган илм-фан, таълим ва тарбия, маънавий-маърифий соҳалардаги долзарб вазифалар белгилаб берилди. Шундан келиб чиқиб, барча маҳалла раислари ва фаолларининг маҳаллаларда маънавий-маърифий соҳалардаги иш услуби тубдан ўзгарди. Ёшларнинг таълим-тарбияси, маънавияти ва маърифатини юксалтириш маҳалланинг кундалик устувор вазифасига айланди. Бу жараёнда маҳалла раислари ва фаоллари мактаблар ҳаётида фаол иштирок этиб, ўғил-қизларимизнинг таълим-тарбияси ва келажак тақдири учун масъулият ва жавобгарлиқни ҳис этиб фаолият юритяпти. Маҳалла раислари ташаббуси билан мактабларда 9 977 маротаба ота-оналар мажлислари ўтказилди. «Мактаб — ота-она — маҳалла» ҳамкорлиги асосида электрон мулоқот платформаси ишга туширилди. Мактабдаги даволат, тарбияси оғир ўқувчиларга алоҳида эътибор қаратилиб, ота-оналар ва маҳалла раисларининг бу борадаги масъулияти оширилди.

Қолаверса, маҳаллада истиқомат қилаётган зиёлилар, нуронийлар, Ҳаж ва Умра зиёратларига бориб келган ҳар бир маҳалладошимиз маънавий тарбияланиш бўлиши, одамларни яхшиликка бошлаши зарур. Шу мақсадда 9 452 та маҳаллада фаол 400 мингдан ортиқ нуроний ва зиёлилар, жамоатчилик фаоллари рўйхати шакллантирилди. Бугунги кунга қадар 4 085 та маҳалладан 161 523 нафар зиёли, нуроний, Ҳаж ва Умра зиёратига бориб келганлар орасидан «маънавият тарбиячилари» шакллантирилиб, уларнинг хонадонларда тарбияланишлари йўлга қўйилди.

Шунингдек, кўплаб маҳаллаларда маърифат-парвар аждодларимиз яшаб ўтган, улар туғилиб, яшаган уйлариинг ҳаммага кўринарли жойларида «Жадид яшаган, бу хонадоннинг бобоси жадид бўлган», деган ёзувлар (ёдгорлик лавҳалари) ўрнатилди. Маҳалла биносида «Қатагон қурбонлари хотираси бурчаклари» ташкил этилиб, «Маҳалла хотира китоблари» тайёрланди. Шу билан бирга, «Маҳалла кутубхонаси», «Халқ кутубхонаси» каби маънавий масканлар сони ошди.

— Азалдан маҳаллаларда нуронийларнинг ўрни алоҳида бўлган. Фарзанд тарбияси, маънавий муҳит, оилалар мустаҳкамлигида уларнинг ҳаётий таърибасидан фойдаланилган. Айтингни, ҳозирда маҳалла ишида нуронийларнинг иштироки, ижтимоий фаоллиги қандай таъминланади?

— Халқимизда «Қариси бор унинг париси бор», «Қари билганини пари билмас» каби ҳикматли иборалар мавжуд. Бу нақллар ҳаётимизда ўз исботини топган. Қолаверса, кўпни кўрган, ҳаётнинг аҷиб-қушугини тортган нуронийларнинг ижтимоий фаоллигини ошириш, бой ҳаётий таърибасидан ёшлар таълим-тарбияси, оилаларни мустаҳкамлаш ишларида фойдаланиш мумкин.

Шу мақсадда маҳаллаларда «Кексалар маслаҳати» гуруҳи ташкил этилди. Гуруҳ таркибига маҳаллада ижтимоий-маънавий муҳит барқарорлигини сақлаш, кишиларни ортдан эргаштира олиш малакасига эга бўлган, аҳоли орасида обрў-эътиборли, бошқаларга ибрат бўладиган кекса авлод вакиллари киритилди. «Бир нуроний ўн ёшга масъул» тамойилини мувофиқ, ёшлар ҳар бир маҳалладаги фаол нуронийларга

бириктирилди. Шу асосда 515 минг нафар аҳоли вакиллари қамраб олинди.

Шунингдек, кекса авлод вакиллари маҳалла-лардаги барча таълим муассасаларига, «Нуроний ҳар бир оилага масъул» лойиҳаси асосида муаммоли оилаларнинг ҳар бирига бириктирилди. Нуронийларнинг жамоатчилик назоратини амалга оширишдаги фаоллигидан самарали фойдаланилди.

Умуман олганда, нуронийларнинг сиёсий, иқтисодий ва ижтимоий ҳаётда фаол иштирок этиши учун шарт-шароит яратиш, бир томондан, ана шу салоҳиятни жамият учун фойдали ишларга йўналтиришга хизмат қилса, бошқа жиҳатдан уларга ўз қобилиятларини ишга солиш ҳамда одамлар учун керакли эканини ҳис этиб, тўлақонли турмуш кечирishiларига имконият яратади.

— Муҳтарам Президентимизнинг ташаббуслари билан ҳар йили 22 март — Маҳалла тизими ходимлари куни, этиб белгиланган. Бу байрамнинг айнан Наврўз айёми билан бирга нишонланишида катта рамзий маъно бор. Мана шундай шукўҳли айём кунларида эришилган натижалар билан биргаликда куннинг долзарб ва устувор вазифалари ижроси тизим масъуларини хушёр тортирадиган, албатта. Шулар хусусида сўзлаб берсангиз.

— Наврўз байрами тантаналарида Президентимиз Маҳалла тизими ходимлари куни муносабати билан жонқуяр ва фидойи маҳалла фаолларини табриклади. Маҳаллани кўлаб-қувватлаш, уни янада ривожлантириш доимо эътибор марказида бўлишини таъкидлади. Чунки «маҳалла — бу меҳр ва аҳиллик кўрғонидир. Маҳалла — оққўнғил, бунёдкор халқимиз қалбининг кўзгусидир».

Сир эмас, ўтган вақт давомида уйма-уй юриб, аҳоли муаммоларини ўрганиш ва бартараф этиш бўйича катта таъриба тўпладик. Эндиги вазифамиз халқ билан янада яқин бўлиб, мулоқотлар олиб бориш натижасида бу таърибани бойитишдан иборат.



Бугун жамиятда маҳалла аралашмайдиган, унга тааллуқли бўлмаган масаланинг ўзи йўқ. Ёшлар таълим-тарбияси, оилалар мустаҳкамлиги, ижтимоий ёрдам кўрсатиш масалалари дейсизми, тадбиркорлиқни ривожлантириш, янги иш ўринлари яратишми, барча-барчасида маҳалланинг ўрни сезилиб туради. Шу боис ҳар бир маҳаллада самарали иш олиб бориш фаолиятимизнинг бош мезонига айланиши даркор.

Оила тинч бўлса, маҳалла тинч, маҳалланинг осойишталиги ўз-ўзидан давлатимиз тинчлигига асос бўлади. Маҳалла ва оила, бу — ягона ижтимоий институт эканини, уларни бир-биридан айри тасаввур этиб бўлмаслигини бугун барчамиз тўла англаб турибмиз. Биз уларга ўз вақтида керакли кўмакни бера олсак, маҳалла ва оилалардаги мавжуд муаммоларга ечим топиб, тизимли равишда ҳал этсак, ўйлашманки, бизни хавотирга солаётган ижтимоий ва маиший муаммоларнинг асосига етган бўламиз.

Бугун шиддат билан ўзгараётган замонда ёшларимизни ҳар қандай маънавий ва мафкуравий таҳдидлардан ҳимоя қилиш энг катта вазифалардан биридир. Бизнинг бу борадаги иштирокимиз, аввало, бир-биримизга, кўни-қўшнилarga, кўчамизда, маҳалламизда униб-ўсиб келаётган болалар тарбиясига бефарқ бўлмасдан, жон куйдиришда, том маънода «ҳар бир болага ҳам ота, ҳам она, ҳам устоз, ҳам тарбиячи» бўлишимизда намоён бўлади. Маҳалла раиси ота-оналар билан бирга, мактаблар ҳаётида фаол қатнашиши, ёшларнинг билими ва касб эгаллашига эътиборли бўлиши керак.

Маҳаллаларни жиноятдан ва ишсизликдан ҳоли ҳудудга айлантириш, ижтимоий ҳимояга муҳтож, ногиронлиги бўлган шахслар, боқувчисини йўқотган оилалар, якка-ёлғиз қарияларни кўлаб-қувватлаш, нотинч, ажралиш ёқасида турган оилалар билан муттасил ишлаш, тўй-ҳашамларни дабдабадан ҳоли, ихчам ва камхарж ўтказиш, маҳаллада жамоатчилик назорати таъсирчанлигини ошириш фаолиятимизнинг муҳим йўналиши бўлиши шарт.

Муҳтасар қилиб айтганда, Президентимизнинг «Қайси маҳаллада иш тўғри ташкил этилиб, фуқаролар билан яқин ҳамкорлик ўрнатилса, ўша ерда ҳамжихатлик, меҳр-оқибат муҳити ҳукм суради, ноҳуш ҳолатларга йўл қўйилмайди», деган сўзлари фаолиятимизда дастуриламал бўлиши лозим.

Б. АБДУСАТТОРОВ
сўхбатлашди.

Умумхалқ ҳашарида 14,5 миллион киши қатнашди

2024 йил 16-18 март кунлари юртимиз бўйлаб «Обод ва файзли маҳалла — юрт кўрки» шиори остида умумхалқ хайрия ҳашари ўтказилди.

Уч кун давомида тадбирларда **14 миллион 515 минг нафардан зиёд** фуқаро (шундан 10 миллион 48 минг нафардан ортиғи ёшлар) иштирок этди.

Ҳашар кунларида Ўзбекистон маҳаллалари уюшмасида **Республика штаби**, 14 та ҳудуд ва 208 та туман(шаҳар)да мутасадди ташкилот ва идоралар вакилларидаан иборат **штаблар** фаолияти йўлга қўйилди.

ЖАРАЁН



Умуман олганда, уч кун давомида:

- 15 минг 179 гектардан ортиқ майдон, 70 минг 365 та кўча ободонлаштирилди;
- 13 минг 508 тоннадан зиёд чиқиндилар чиқариб ташланди;
- 7 минг 294 километр узунликдаги ариқ ва лотоклар тазаланди;
- 9 минг 948 та қабристон ва 532 та зиёратгоҳ ободонлаштирилиб, тартибга келтирилди;
- 40 минг 228 та болалар ва спорт майдончалари ободонлаштирилди.

“Маҳалла замонга муносиб, ҳаракатчан бўлиши лозим”

Давом. Бошланиши 1-саҳифада.

Ҳозирда маҳаллада 6 700 нафардан зиёд аҳоли яшайди. Маҳалла хизмат кўрсатиш ва ишлаб чиқаришга ихтисослашган. Уч юзга яқин савдо, саннат ва хизмат кўрсатиш шохобчаларида маҳаллий ёшлар ва аёллар ишламоқда. Мактабча таълим ташкилоти, оилавий поликлиника, ихтисослаштирилган спорт мактаби, педагогика институти филиали фаолият юритмоқда. «Хавфсиз маҳалла» тамойили асосида ҳудудга 360 та видеокузатув мосламалари ўрнатилган, улар маҳалла профилактика инспектори хизмат хонасига уланган.

Ўтган йили 112 киши ишга жойлаштирилиб, 181 нафари ўзини ўзи банд қилган. Аҳолини тадбиркорликка жалб қилиш учун 23 та лойиҳага 366 миллион сўм кредит ва 8 нафар фуқарога 80 миллион сўм субсидия ажратилган. 12 та микролояиҳа ишга туширилиб, 40 та янги иш ўрни яратилди. Хусусан, бу ерда тикувчилик цехи, гўзаллик саломи, полиграфия ва компьютер хизматлари, кутубхона, озиқ-овқат ва қандолат дўконлари ташкил этилди.

Давлатимиз раҳбари ушбу мажмуаларни кўздан кечирди, маҳалла аҳли билан самимий сўхбатлашди. Уларни улуғ айём кунлари ва Наврўз байрами билан табриклади.

— Маҳалламиз 2016 йилда ташкил этилган бўлса-да, ҳудудда кўплаб муаммолар йиғилиб қолганди, — дейди «Дилбулоқ» маҳалласи раиси Мирзатилла Мирзайимов. — Маҳаллаларга берилаётган эътибор туфайли бугун ҳудуд чирой очди. Президентимиз бу ердаги ободлиқни, иш жойларини, байрам нафасини кўриб, хурсанд бўлди. Ҳамма маҳаллаларни шундай ўзгартиришга ҳаракат қилишимиз кераклигини, ўзгаришлар фақат туманлар марказида



“Энди маҳаллалар ҳам замонга муносиб, ҳаракатчан бўлиши лозим. Умуман, ишлайман деган одамга шароит яратиб беришимиз шарт”.

қолиб кетмаслигини таъкидлади. “Еттилик” вакиллари билан мулоқотда Шавкат Мирзиёев бир гапни айтди: “Маҳалла замонга да маҳаллага иқтисодий комплекс ташкилотлари бириктирилади, мақсад — ҳар бир хонадонга, ҳар бир инсонга етиб бориш. Хўш, бу жараён қандай ташкил этилади? Энди банклар маҳаллага қиради, ҳар бир ишсиз фуқаро билан индивидуал ишлайди, аҳолига бизнес-режалар тақдим этади. Керак бўлса, уларни тадбиркорликка ўргатади. Банкларнинг ўзида мономарказлар ташкил этилади. Президент: “Банклар фақат қайтими бор мижозлар билан ишлаши эмас, балки ўзига янги мижозлар

яратиши керак. Давлат олдидаги ижтимоий масъулиятини англаши лозим”, — деди. Банк ходимининг самарадорлик кўрсаткичи бундан буюн маҳалладаги ишига ҳам боғлиқ бўлади.

— Хабарингиз бор, иқтисодий комплекс ташкилотларини маҳаллаларга бириктираямиз. Бунда банкларнинг ҳам ўрни бор. Улар орқали туманлардаги корхоналарга қўшимча шароит яратиб, енгил кредитлар бериб, яна иш ўринлари очишини кўлаб-қувватлаш керак. Энди маҳаллалар ҳам замонга муносиб, ҳаракатчан бўлиши лозим. Умуман, ишлайман деган одамга шароит яратиб беришимиз шарт, — деди давлатимиз раҳбари.

Шу ернинг ўзида мутасаддилар иқтисодий комплекс фаолиятини маҳаллаларда ташкил этиш, шаҳар шароитида одамларни иш билан таъминлаш вазифалари тўғрисида ахборот берди.



“World Happiness Report-2024” рейтингда Ўзбекистон МДХ давлатлари орасида ЭНГ БАХТЛИ МАМЛАКАТ деб топилди.



Ўзбекистон ва Қозоғистон ўзаро сув истеъмолини ОНЛАЙН КУЗАТИБ боради.



Соғлиқни сақлаш вазирлиги Наврўз байрами кунларида ТИББИЁТ МУАССАСАЛАРИ узлуксиз ишлашини маълум қилди.

ҲОКИМ ЁРДАМЧИСИДАН ҲОКИМЛИККАЧА...

“Қуйи тизим кийин, аммо тажриба ўрганасиз”



Мусулмонқул ХОТАМОВ, Сирдарё тумани ҳокими.

Президент ташаббуси билан ҳоким ёрдамчилари лавозими жорий этилиши халқ ва давлат ўртасида ишончли кўприк, мулоқот майдонини яратди. Янги тизим орқали фуқароларнинг фикри, муаммолари ва камчиликлари билан яқиндан танишиш ва тўғридан-тўғри ишлаш имкони пайдо бўлди.

Бу лавозимга ўрта бўғин давлат хизматчилари тайинлангани бежиз эмас. Улар уйма-уй юриб, ҳар бир хонадоннинг ҳолатини ўз кўзи билан кўрди, ҳақиқий эҳтиёжманд ва боқувчисини йўқотган оилалар, ишсиз фуқаролар бандлигини таъминлаш, айниқса, ёшлар ва аёлларни ишга жойлаштириш ҳамда имтиёزلарни тўғри ва шаффоф етказишларни йўлга қўйиш бўйича катта тажрибага эга бўлди.

2022 йил январь ойдан Боёв туманидаги “Ижодкор” маҳалласида ҳоким ёрдамчиси лавозимида фаолият бошлаганим. Ўтган давр мобайнида ҳар бир лойиҳа ва ишларни маҳалла раиси, ёшлар етакчиси ва маҳалла фаоллари билан биргаликда бамаслаҳат амалга оширдик. Масалан, 2023 йил давомида 307 нафар фуқаронинг бандлиги таъминланди. Уларнинг 203 нафари доимий ишга жойлаштирилди, 104 нафари ўзини ўзи банд қилиш йўналишида расмий рўйхатдан ўтказилди.

Маҳаллада ишсизликни камайтириш мақсадида 2022-2023 йиллар давомида 48 та янги тadbirkorлик субъекти ташкил этилди. Амалий кўмагимиз самарасида ҳудуддаги 12 та фаолияти тўхтатилган тadbirkorлар қайтадан иш бошлади. Шу вақт орасида 2 нафар “Ёшлар дафтари”да, 9 нафар “Аёллар дафтари”да рўйхатда турган ишсиз фуқарога жами 57,6 млн. сўмлик субсидия маблағи ажратилди. 106 нафар ишсиз фуқаро касб-хунарга ўқитилиб, 37 нафарига кредит ва субсидия берилди. Натижада улар ўзини ўзи банд қилди. Қолган 69 нафар фуқаро доимий ва мавсумий ишга жойлаштирилди.

“Хар бир оила – тadbirkor” дастури асосида 36 ой муддатга, асосий қарзга нисбатан 6 ой имтиёзли давр

ва йиллик 14 фоиз устама ҳақ тўлаш шарти билан 96 нафар фуқарога 2 млрд. сўм кредит маблағи тақсимланди. Натижада маҳаллада чорвачилик, кўенчилик, паррандачилик, асаларичилик, тикувчилик, хунармачилик ва иссиқхона йўналиши ривожланди. Янги корхоналар ташкил этилиб, иш ўринлари яратилди.

Президент давлат хизматини ислоҳ қилиш ва бошқарувда натижадорликни ошириш юзасидан ўтказган йиғилишида давлат идораларида “маҳалладан – республикага” тамойили асосида кадрларни ўстиришга алоҳида эътибор қаратиш зарурлигини таъкидлаган эди. Шу тақлиф асосида ишлаб чиқилган янги тизимга кўра, маҳалла-ларда фаолият юритаётган ҳоким ёрдамчилари, ёшлар етакчилари ва хотин-қизлар фаоллари орасидан 1 000 нафари Салоҳиятли кадрлар захирасига саралаб олинди. Номзодлар учун махсус Дастур тайёрланди, малакаси оширилди. Бугун уларни турли масул лавозимларга тайинлаш жараёнлари бошланди. Ўзим ҳам ана шу салоҳиятли кадрлар захирасига танлаб олинган эдим.

Ўтган вақт ичида малака ошириб, раҳбарлик юки, масъулияти, халқ ишончини оқлаш борасидаги билимларимни оширдим. Шу ўринда алоҳида таъкидлаш керакки, ҳақиқатдан ҳар бир раҳбар куйи тизимда ишласа, халқ дардини тингласа, уларга нафи тегса ва дуосини олса, албатта, келажақда юкори марраларга эришиши мумкинлигига ўз тақдиримда амин бўлдим.

Менга юксак ишонч билдирилиб, Сирдарё туманига ҳоким этиб тайинландим. Бу зиммамага катта масъулият юклайди. Билдирилган ишончини оқлаш учун бор билимим, салоҳиятимни ишга солам.



ТОМОРҚА – ХОНАДОН ХАЗИНАСИ

“Хориждан иш излашга асло ҳожат қолмаяпти”



Жўрабек ОТАБОЕВ, Норин туманидаги “Катта оқовлик” маҳалласи ҳоким ёрдамчиси.

Маҳаллада 2 102 нафар аҳоли истикомат қилади. 2023 йил давомида “Аёллар дафтари”га 56 нафар аёл ва “Ёшлар дафтари”га 16 нафар ёш қиритилди. Хатловда рўйхатга олинган 132 нафар фуқаро ишга жойлаштирилди. 82 нафари ўзини ўзи банд қилди.

8 нафари тadbirkorлик фаолиятини бошлади. Аҳолини тadbirkorликка жалб қилиш учун 74 та лойиҳага 1,6 млрд. сўм кредит ва 7 нафар фуқарога 70 млн. сўм субсидия берилди. Бундан ташқари, 6 та микролойиҳа (хизмат кўрсатиш ва тикувчилик) ишга туширилиб, 28 та янги иш ўрни яратилди. 31 нафар хотин-қизга 753 млн. сўм имтиёзли кредит ажратилди.

Асосий “драйвер” – гулчилик ва кўчатчилик. 426 та хонадоннинг 310 тасида иссиқхоналар қурилган. Аҳоли даромади йил бошида мавсумий гуллар ва सबзавот кўчатларини етиштириш ва сотиш бўлса, йилнинг иккинчи ярмида ўша кўчатларнинг ўзи экилиб, सबзавотлар етиштирилади.

Бугун маҳалланинг томорқадан фойда-

ланишдаги илғор тажрибаси бошқа ҳудудларда оммалаштирилмоқда. Хўш, бу қандай тажриба эканки, бутун туман ундан андоза олмақда, деган савол туғилиши табиий.

Чиндан тажрибамиз мисолида туманнинг барча маҳаллаларидаги фуқаролар бандлигини таъминлаш режалаштирилган. Яъни давлат иши ёки қайсидир жойларга ишга жойлаштириш орқали эмас, балки хонадонда туриб, оилавий тadbirkorлик орқали ўзини ўзи банд қилиш билан оила бюджетига сезиларли даромад қилиш кўзланган.

Бунинг ўзига хос сабаби бор. Боиси юқорида таъкидлаганимиздек, маҳалла томорқадан самарали фойдаланиш ва кўчатчилик бўйича тажрибага эга. Айниқса, янги иш ўринлари яратиш, ишсизлар бандлигини таъминлашда томорқадан самарали фойдаланяпмиз. Хатловда 65 нафар ишсиз аниқланган бўлса, бугун барчасининг бандлиги таъминланмоқда. Масалан, 17 нафарини доимий ишга жойлаштириш, 12 нафарини касб-хунарга ўқитиш, 10 нафарига имтиёзли кредит, 5 нафарига субсидия ажратиш, 21 нафарига ижара асосида ер майдонини олишда кўмаклашиш белгиланди.

“Драйвер”имизни ривожлантириш орқали миграциядаги фуқароларни шу ерда қолиб, ишли бўлишига эришяпмиз. Сўнгги икки йилдан бери бирорта маҳалладошимиз хорижга иш излаб кетмади. Масалан, Назиржон Мирзаахмедов 2022 йилгача хорижда ишлаб юрарди. Йил охирида миграциядан қайтгач, унга ҳовлисига иссиқхона ташкил этиш афзаллиги тушунирилди. Бугун Назиржон томорқадаги 6 сотих иссиқхонадан йилига 150 миллион сўм даромад топлмоқда. Йилда уч марта ҳосил олади. Жумладан, январь-апрель ойларида етиштирилган 220 минг донга кўчат 80 млн. сўм, апрель ойи ўрталаридан етиштирилган помидор кўчати ўртача 40

млн. сўм, сентябрь-декабрь ойида пишган 1,5 минг донга қарам кўчати 20 млн. сўм даромад келтирди. Бунинг натижасида тadbirkor кўшимча 3 та янги иш ўрни яратиб, даромадини йилига 175 млн. сўмга оширди. Шу тартибда қолган хонадонлар даромадини ошириш бўйича амалий ишлар олиб бориламоқда.

Яна бир тadbirkorимиз Озода Хўжамкулова — маҳалланинг олди томорқачиси. Оилага имтиёзли кредит ҳисобига иссиқхона қуриб берилган. Миллионлаб кўчатлари билан бирга йилига брокколи қарам кўчати етиштиради. “Бир маҳалла – бир маҳсулот” тамойили асосида кооперация ташкил этган. “Энг намунали томорқачи” курак нишони билан тақдирланган. Порлоқ қолдуз кўчасида истиқомат қилувчи Раҳимжоновлар хонадонида ҳам гул кўчатларини етиштириш йўлга қўйилган. Оилада йилнинг тўрт фаслида иш қизғин. Йилига кўчатларнинг ўзидан 200 млн. сўмгача даромад олади. 2 та доимий ва 20 га яқин мавсумий иш ўрни яратилган.

Маҳаллада бўлғор қалампири, қарам, памидор ва бодиринг кўчатларини етиштириш оммалашяпти. Улар, асосан, ички бозорга етказиб берилмоқда. Хонадон томорқасидан мақсадли ва самарали фойдаланаётган фуқаролар нафақат ўзининг, балки давлат иқтисодиётининг юксалишига ҳам хисса қўшмоқда.

Айни кунларда томорқадаги маҳсулотларга харидор кўп. Айниқса, бу хонадонларда етиштирилган кўчат ва гуллар нафақат маҳаллани, балки туман, вилоят ободлигига, гўзаллигига хисса қўшмоқда. Кўни кеча ўтказилган хашарда маҳалламиз томорқасида етиштирилган кўчат ва гуллар беминнат етказиб берилди. “Яшил макон” умуммиллий ҳаракати ҳамда умумхалқ хайрия хашари доирасида экилган аксар кўчатлар баравж ривожланмоқда.

Энг намунали ёшлар етакчиси, қолаверса, “Зулфия”чи

Хусниёбону ЖОНИБЕКОВА, Хўжабод туманидаги “Гара гури” маҳалласи ёшлар етакчиси.

И нсон қачон бахтли бўлади? Қачонки атрофидаги кишиларнинг меҳри ва эътиборини ҳис қилса, меҳнати муносиб қадрланса, ҳаётдан рози бўлиб яшайди. Мен бунга ўз ҳаётимда гувоҳ бўлапман.

Ўзбекистон Республикаси Президентининг қарори билан “Зулфия” номидаги Давлат мукофоти билан тақдирланган. Айтиш мумкинки, бундай мукофот, мамлакатимизда ёшларга оид давлат сиёсатини ўз маҳалласида намунали ташкил этаётган ёшлар етакчиларининг меҳнати ҳақиқатдан қадр топаётганига далилдир. Бу ютуқни барча етакчиларга билдирилган эътибор, деб ҳисоблайман.

Маҳалламизда 629 нафар ёш рўйхатга олинган. Барчаси билан индивидуал ишлаб, муаммосига ечим

топишда кўмаклашяпман. Мисол учун, 25 нафар ишсиз ёш доимий ишга жойланди, 12 нафари касб-хунарга ўқитилди, 7 нафари тadbirkorликка жалб этилиб, имтиёзли кредит ажратилди. Хатловда аниқланган 38 нафар ижтимоий ҳимояга муҳтож ёшларнинг 11 нафари “Ёшлар дафтари”га қиритилиб, моддий ёрдам кўрсатилди. 12 нафарига олий таълим муассасасида ўқиши учун шартнома пули тўланди. 4 нафарига иш қуроллари учун субсидия ажратилди. 5 нафарининг даволаиш харажати қоплаб берилиб, яна шунчасига узок муддатга фойдаланиш учун ижара асосида ер тақсимланди.

Ёш оилалар тинчлигини сақлаш, ажралишларнинг олдини олишда кенг жамоатчилик, кекса отахону онахоналар хизматидан фойдаланяпман. Бу ўз самарасини бермоқда. 2023 йилда 2 та ажралиш ёқасидаги ёш оилаларни маҳалладаги жамоатчилик, хотин-қизлар фаолларини жалб қилган ҳолда яраштирдик. 2 нафар тарбияси оғир ёшларни соғлом ҳаёга қайтардик.

Ҳомийлар иштирокида 12 нафар ижтимоий ҳимояга муҳтож оила фарзандларини ўқувчи кийими билан таъминладик.

Қовонарлиси, маҳаллада ёшлар ўрасида жиноятчилик қайд этилмаган. Аввалги йилда 28 нафар қизил тоифадаги ёшлар бор эди. Саъй-ҳаракатимиз натижасида барчаси яшил ва сариқ тоифага ўказилди. Ёшларни хорижий тилларга қизиқишини оширишда шахсий намуна бўляпман. Ёшлар ишлари агентлигининг “Ibrat Academy” иловаси орқали турк тили курсини муваффақиятли тамомлаб, сертификат олдим. Ҳозирда шу платформа орқали тил ўрганаётган ёшлар сафи ортиб кетди.

2023 йилда Ёшлар ишлари агентлигининг вилоят бошқармаси ташкил қилган “Йилнинг энг намунали маҳалла ёшлар етакчиси” танловининг “Алоҳида эътиборга муҳтож бўлган ёшлар билан самарали ишлаган энг намунали маҳалла етакчиси” номинацияси қолиби бўлдим.



ЭЪТИРОФ

● Маҳаллада ёшлар ўрасида жиноятчилик қайд этилмаган. Аввалги йилда 28 нафар қизил тоифадаги ёшлар бор эди. Саъй-ҳаракатимиз натижасида барчаси яшил ва сариқ тоифага ўказилди. Ёшларни хорижий тилларга қизиқишини оширишда шахсий намуна бўляпман.



1 минг 350 нафар аскарга олий таълим муассасасига ўқишга КИРИШИ УЧУН тавсияномалар топширилди.



“МАҲАЛЛАДАН – РЕСПУБЛИКАГАЧА” тамойили асосида Салоҳиятли кадрлар резервидаги номзодларнинг 239 нафари раҳбарликка тайинланди.



“Air Samarkand” Самарқанд – Истанбул – Самарқанд йўналиши бўйича мунтазам парвозлари йўлга қўяди.

КУН НАФАСИ

Уюшма раиси креатив паркка борди

Ўзбекистон маҳаллалари уюшмаси раиси Қаҳрамон Қуронбоев пойтахтимиздаги Ёшлар ижод саройидаги креатив паркни бориб кўрди. Бу ерда янги ва самарали йўналишлар, дастурлар ишга туширилган. Ёнг асосийси, бу масканни ёшлар учун янада фойдали ва кенг қамровли этиш бўйича режа-график ишлаб чиқиши белгиланди.



Етакчига қўшимча вазифалар юклатилади

“Маҳаллаларда футбол инфратузилмасини ривожлантириш ва тармоғини кенгайтириш чора-тадбирлари тўғрисида”ги Президент қарори қабул қилинди. Қарорга кўра, **маҳалладаги ёшлар етакчисига қўйидаги қўшимча вазифалар юклатилади:** маҳалла ёшларини оммавий ва профессионал футболга қизиқтириш, шунингдек, бу борада турли тарғибот-ташвиқот ишларини ташкил этиш; маҳаллаларда мавжуд бўлган футбол бўйича спорт иншоотлари ҳамда бошқа спорт майдончаларидан тизимли ва самарали фойдаланилишини ташкил этиш; маҳаллада футбол бўйича эркеклар ва аёлларнинг турли ёш тоифалари кесимидаги “маҳалла терма жамоа”ларини шакллантириш ҳамда

уларни тайёрлашни ташкил этиш; маҳалла ёшларининг футбол билан шуғулланиши учун етарли шарт-шароитлар яратилганлигини таҳлил қилиб бориш ҳамда футболни ривожлантириш бўйича спорт-таълим ташкилотлари ва маҳаллий ижро этувчи ҳокимият органлари билан ҳамкорликни тизимли йўлга қўйиш; маҳаллалардаги ёш иқтидорли футболчиларни аниқлаш ҳамда уларни профессионал футбол таълими муассасаларига йўналтириб бориш; маҳаллаларда футбол инфратузилмасини ривожлантириш, спорт инвентарлари билан таъминлаш ва маҳалла терма жамоаларига қўшимча шарт-шароитларни яратиш бўйича маҳаллий ижро этувчи ҳокимият органларига таклифлар киритиш.

ПРОФИЛАКТИКА ҲУДУДИ

Ўз юртига, ўз касбига чексиз садоқат билан

Рустам ЮСУПОВ

Эркеклар билан елкама-елка туриб, юрт осойишталиги йўлида хизмат қилиш аёл кишидан катта журъат ва меҳнат талаб қилади. Бир елкасида оила, рўзғор юмушлари, бирида давлат хизматчиси, деган масъулиятли вазифа туради. Ҳар иккисини уддалаганларнинг оиласида барака, ишида хотиржамлик бўлади.



Бугун ҳуқуқ-тартибот идораларида бундай иродали аёллар кўпчиликни ташкил этади. Улардан бири – **Жарқўрғон тумани ички ишлар бўлими Жамоат хавфсизлик хизмати ҳуқуқбузарликлар профилактикаси бўлими хотин-қизлар масалалари бўйича катта инспектори, подполковник Юлдуз Имомова.** Қаҳрамонимиз турмуш ўртоғининг кўмаги билан хизмат машаққатларини ҳам, ҳаёт чиғир-чиқларини ҳам енгиб ўтмоқда. Масъулиятли вазифасини ўз вақтида бажариб, икки фарзандни тарбияли қилиб ўстирди. Бугун иккала фарзанди ҳам она касбининг давомчиси...

Жарқўрғон туманида юз мингдан ортиқ хотин-қизлар истискомат қилади. Хотин-қизлар ўртасида ҳуқуқбузарлик ва жиноятчиликнинг олдини олиш, оилада аёлларни маиший зўравонликдан ҳимоя қилиш, нотинч-низоли оилалар билан манзилли ишларни олиб бориш, оила-турмуш доирасида содир этилиши мумкин бўлган жиноятларни бартараф этиш, ажралиш ёқасига келиб қолган оилаларни яраштириш, ички ишлар бўлими ҳисобига олинган хотин-қизлар билан профилактик ишларни олиб бориш катта инспектор Юлдуз Имомованинг асосий вазифаси.

– Тумандаги 66 та маҳаллада 115 744 нафар хотин-қиз истискомат қилади. Ҳар куни эрталабдан

ишимизни туман ИИБ навбатчилик қисмига келиб тушган оила-турмуш доирасидаги муносабатларни ўрганишдан бошлайман, – дейди **подполковник Юлдуз Имомова.** – Бунда менга туман оила ва хотин-қизлар бўлими, маҳалла хотин-қизлар фаоллари ва инспектор психолог ходимлари яқиндан кўмаклашмоқда. Ички ишлар идораларида профилактик ҳисобида турган хотин-қизларнинг муаммоларини ўрганиб, уларни соғлом турмуш тарзига қайтариш чоралари кўришмоқда. Туман ИИБ Пробация гуруҳи ҳисобида турган 19 нафар хотин-қизнинг 5 нафари иш билан таъминланган, 5 нафари “Аёллар дафтари”га киритилган, қолган 9 нафари ўзини ўзи иш билан банд қилган. Ушбу жазо муддатини ўтаётган хотин-қизларнинг ҳар бири

Ҳар куни эрталабдан ишимизни туман ИИБ навбатчилик қисмига келиб тушган оила-турмуш доирасидаги муносабатларни ўрганишдан бошлайман, – Бунда менга туман оила ва хотин-қизлар бўлими, маҳалла хотин-қизлар фаоллари ва инспектор психолог ходимлари яқиндан кўмаклашмоқда.



билан ойига бир маротаба яшаш хонадонига бориб, қайта жиноят содир қилмасликлари учун яқка тартибда профилактик суҳбатлар олиб боришмоқда. Ишлаб пул топиш мақсадида чет давлатга чиқиб кетган 1 399 нафар хотин-қизнинг оила аъзолари билан доимий мулоқотлар ўтказилиб, уларни чет давлатдан қайтариш чоралари кўришмоқда. Шунингдек, жиноят қилишга мойил, турли ҳуқуқбузарликлар содир қилган тарбияси оғир 8 нафар вояга етмаган қизлар билан профилактик ишлар олиб боришмоқда. Уларга бириктирилган мураббийлар билан қизларнинг дарс машғулотларига қатнашиши, дарсдан кейинги бўш вақтини мазмунли ўтказиш ҳамда мактаб қошида ташкил этилган фан ва спорт тўғрақларига қатнашиши

назоратга олинган. Минг афсуски, мустақил ҳаётга қадам қўйиб, оила қураётган баъзи қизларимиз турмуш қуришга тайёр эмас. Келин бўлиб тушган хонадонда қайнота-қайнона ва турмуш ўртоғи билан муносабатларда оила масъулиятини ҳис этмаётгани, бунинг оқибатида турли келишмовчиликлар юзга келаётгани сабабли ёш оилалар ажралиш ёқасига келиб қолмоқда. Хотин-қизлар масалалари бўйича катта инспектор Ю.Имомованинг таъкидлашича, жорий йилнинг ўтган икки ойи давомида хотин-қизлар иштирокида 3 та жиноят қайд этилган. Тазйиқ ва зўравонликка учраган 23 нафар хотин-қизга ҳимоя ордери расмийлаштирилиб, уларнинг ҳақ-ҳуқуқлари таъминланган.

Подполковник Юлдуз Имомованинг 8 март – Халққаро хотин-қизлар куни арафасида **Президент фармони билан “Солиқ хизматлари учун” медали билан тақдирланди.**

Юқорида таъкидлаганимиздек, аёл киши учун ҳуқуқ-тартибот идораларида ишлаш жуда машаққатли. Ушбу машаққатларни факат ўз устида ишлаш ҳамда оила аъзоларининг қўллаб-қувватлаши орқали енгиб ўтиш мумкинлиги бор ҳақиқат. Подполковник Юлдуз Имомованинг 8 март – Халққаро хотин-қизлар куни арафасида **Президент фармони билан “Солиқ хизматлари учун” медали билан тақдирланди** унинг хизматдаги барча қийинчиликларини унутиб, танлаган шарафли касбидан яна бир бор фахрланиб, ўз хизмат вазифасини ўзгача ишжаоат билан давом эттиришга ундади.

ПРОФИЛАКТИКА ИНСПЕКТОРИ ЭЛЕКТРО-МОБИЛЬ ЭГАСИ БЎЛДИ

ИИБ Ахборот хизмати

Ички ишлар вазирлиги Маданият саройида “Намунали ҳуқуқ-тартибот маскани” кўрик-танловининг республика босқичи бўлиб ўтди.

Тантанали тadbирни Ички ишлар вазири генерал-лейтенант Пулат Бобожонов очиб бериб, мазкур танлов республика миқёсида фаолият олиб бораётган ҳуқуқ-тартибот масканлари фаолиятини сифат жиҳатдан янги босқичга олиб чиқишда муҳим восита бўлиб хизмат қилиши, шунингдек, маҳалла фаоллари ва кенг жамоатчилик ҳамкорлиқда ҳудудларни жиноятлардан холи масканга айлантириш борасида муҳим қадамлар ташланганини алоҳида эътироф этди. Шундан сўнг, танловнинг республика босқичи ғолиблари эълон қилинди. Унга кўра, “**Энг фаол профилактика инспектори**” номинацияси бўйича ғолибликни Қашқадарё вилояти



Чироқчи тумани ИИБ профилактика инспектори капитан Жасур Жумаев кўлга киритди. “**Энг фаол маҳалла фуқаролар йиғини раиси**” номинацияси бўйича Тошкент шаҳар Олмазор туманидаги “Зиё” маҳалласи фуқаролар йиғини раиси Убайдулло Мамажонов лойиқ кўрилди. “**Энг фаол ҳоким ёрдамчиси**” номинацияси бўйича Наманган

вилояти Чортоқ туманидаги “Боғ” маҳалласи ҳоким ёрдамчиси Исролжон Абдулхамидов ғолиб деб топилди. “**Энг номинали хотин-қизлар фаоли**” номинациясига Самарқанд вилояти Жомбой туманидаги “Наймантепа” маҳалласи хотин-қизлар фаоли Санобар Абдуллаева муносиб кўрилди. Танловнинг “**Энг фаол ёшлар**

ТАНЛОВ

Фарғона вилояти Боғдод туманидаги “ГУЛИСТОН” маҳалласи ҳуқуқ-тартибот маскани профилактика инспектори, капитан Икромжон Сотволдиевага **ЭЛЕКТРОМОБИЛЬ** топширилди.

етакчиси” номинацияси Андижон шаҳридаги “Маърифат” маҳалласи ёшлар етакчиси Юнусбек Абдуғафоровга насиб этди. Шунингдек, “**Энг фаол хотин-қизлар масалалари бўйича инспектори**”, “**Энг фаол йўл-патруль хизмати инспектори**”, “**Энг фаол патруль-пост хизмати инспектори**”, “**Энг фаол пробация хизмати инспектори**”, “**Энг фаол**

сектор раҳбари” номинация ғолиблари аниқланди. Мазкур танловда **фахрли биринчи ўрин Фарғона вилояти Боғдод туманидаги “Гулистон” маҳалласи ҳуқуқ-тартибот маскани профилактика инспектори, капитан Икромжон Сотволдиевага** насиб этди. Ғолибга Ички ишлар вазирлиги томонидан хизматда фойдаланиш учун **электро-мобиль** топширилди. Иккинчи ўринни Бухоро туманидаги “Работикалмоқ” маҳалласи профилактика катта инспектори, капитан Шаҳоб Исмоилов кўлга киритган бўлса, 3-ўрин Дўстлик туманидаги “Саритепа” маҳалласи профилактика катта инспектори, майор Илхом Шодмонов ҳамда Зангиота туманидаги Аҳмад Яссавий номидаги маҳалла профилактика катта инспектори, капитан Сирож Пирметовларга насиб этди. Тадбир якунида Ички ишлар вазирлиги маданият саройи ашула ва ракс ансамбли томонидан тайёрланган бадий чикишлар, она Ватанини мадҳ этувчи куй-қўшиқлар кечага ўзгача байрамона руҳ бағишлади.



Республика
ОИТСга қарши кураш
маркази ҳамда
ФХДЁ органлари
АХБОРОТ ТИЗИМИ
интеграция қилинди.



Юқори ва ўрта рейтингга
эга тадбиркорларга
халқаро кўргазмаларда
ҚАТНАШИШ ХАРАЖАТИ
100 фоиз олдиндан
тўлаб берилади.



Саёҳат давомида
ногиронлиги
бўлган шахсларга
ҲАМРОҲЛИК
ҚИЛУВЧИ фуқаролар
рағбатлантирилади.

ЭЪТИБОР

...қалбан яхши натижалар соҳибига айлантишти

Гулдон НАБИЕВА,
Тошкент шаҳар Ногиронлиги
бўлган болалар учун 1-сонли
“Мурувват” интернат уйи
ижтимоий ходими.

...Хасан Асраев яхшигина
ижодкор, шеърлар ёзди. Кўнгли
тозалиги, меҳр-муҳаббатга
ошўфтали ҳар бир сатрида
ўз ифодасини топган. Асосан,
Ватанга муҳаббат, табиат
гўзаллиги, инсоний ҳис-туйғулар
тараннумига ургу беради. Унинг
ёзган шеърларини ўқир экансиз,
атрофидаги имконияти чекланган
болаларнинг кечинмаларини
ифодалаётганини сезасиз. Шу
кунга қадар икки-учта кичик
тўпламлари нашрдан чиққан. Кун
кеча Президент билан суҳбатдан
сўнг, у Ёзувчилар уюшмаси аъзоси
бўлди. Бу ёш иқтидор эгасининг
келажақдаги ютуқлари дебوحаси
бўлиши аниқ.

Отабек Абдулаҳатов гарчи
қўлларини ҳаракатлантириши
қийин бўлса-да, сик чўплар
ёрдамида турли шакллар, уйчалар
ясаш билан шуғулланади. Битта
янги нарс аяшини узоқ вақт
хаёлан тасаввур қилиб, обдон
пиштади. Бир илҳоми келиб
қолганда, ўзгача шижоат билан
бош кўтармай ишини якунига
етказди...

Тошкент шаҳридаги
ногиронлиги бўлган болалар учун
1-сонли “Мурувват” интернат уйида
шу каби руҳиятида сезиларли
нуқсон бор 4 ёшдан 18 ёшгача
бўлган ўғил-қизга тиббий-
ижтимоий хизмат кўрсатишмоқда.
Бугунги кунда 299 нафар бола
васийликка олинган. Уларга
334 нафар ходим, жумладан,



малакали педагог, дефектолог ва
шифокорлар ёрдамлашмоқда.
Эътибор ва ғамхўрлик намунаси
ўлароқ, “Мурувват” уйи янги
киёфага кирди. Кўшимча бино
қурилиб, эски бинолар капитал
таъмирланди. Ёзги спорт зали,
ногиронларни парваришlash ва
жисмоний даволаш бўлимлари,
тиббийёт ва машғулот хоналари,
фаоллар зали, кутубхона, ётоқхона
ва ошхона бутунлай янгиланди.
Ҳар бир бўлим, махсус хоналар
талаб даражасида жиҳозланди.
Ҳаракатланиши қийин бўлган
болаларга махсус аравачалар
берилди.

Кун кеча муассасага
ташриф буюрган Президент
Шавкат Мирзиёев болаларнинг
машғулотларини бирма-бир

кузатди. Улар билан дилдан
суҳбатлашди. Шароитларни
янада яхшилаб, ногиронлиги
бўлганларнинг ҳаётда ўз ўрнини
топишига кўмак кўрсатилишини
айтди. Болаларни имкон
қадар реабилитация қилиш
ва ҳаётга мослаштириш, ота-
оналарга психологик ёрдам
бериш масалалари бўйича фикр
алмашилди

Муассасада тарбияланувчи-
ларнинг вақтини мазмунли
ўтказиш мақсадида турли
тўғарақлар фаолияти йўлга
қўйилган. Тўқувчилик, тикувчилик,
пазандачилик ҳамда спорт
каби йўналишларда болаларга
элементар билимлар бериб
келинмоқда. Энг муҳими, улар
ўз устида ишлашни ўрганипти.

Охириги
беш йилда
“Мурувват”
уйларига давлат
бюджетидан
ажратилган
маблағлар 3
баробардан
зиё прокши
ташқил этди.
2023 йилда
бундай
муассасалар
учун давлат
бюджетидан 624
миллиард сўм
нул ажратилди.
Шунингдек,
уларни дорн
воситалари
ва тиббий
бўюмлар билан
таъминлаш
учун аввалпига
қараганда икки
баробардан
ортиқ маблағ
берилмоқда.

Жисмоний имконияти чекланган
бўлишига қарамай, қалбан яхши
натижалар сари интиляпти. Келган
вақтида хатто қошиқ ушлай
олмаганлар, ҳозир ўзи бемалол
овқатланипти. Қалам билан турли
шакллари чизаётганидан хурсанд.
Ҳар бир ўқувчи ўзи учун хизмат
қилиш кўникмасига эга бўляпти.
Бундай натижалар
эришишда муассасада фаолият
олиб бораётган энага ва
ўқитувчиларнинг хизмати беқиёс.
Улар болаларни худди онасидек
парвариш қилади. Ювинтиради,
кийинтиради, овқатланишига
ёрдам беради. Кечаю кундуз ўз
фарзандини авайлагандек, меҳр ва
мурувват кўрсатади.

Эндиликада “Мурувват”
уйларининг замонавий
реабилитация жиҳозлари билан
таъминланиб, ўз ишини янги
концепция асосида йўлга қўйиши,
болалар индивидуал ривожланиш
дастурлари асосида жамиятга
интеграция қилиниши ишимизда
янада самарали натижаларга
эришишда муҳим аҳамият касб
этади.

Айниқса, “Қўллаб-қувватлаш
клублари” тузилиб, малакали
мутахассислар васийларга
ногиронлиги бўлган болани
парваришlash, оила шароитида
тарбиялаш ва жамиятга
мослаштириш бўйича билимлар
бериши аниқ мудида бўлди.

Жамиятнинг ҳар бир
аъзосига, юртимизнинг ҳар бир
фарзандига бундай шароит
ва имкониятларнинг яратиб
берилиши, албатта, бир кун
ўзининг ижобий натижасини
кўрсатади. Буни болаларнинг
орлаб турган кўзларида ҳам
кўриш мумкин.

ИСЛОҲОТ

Ижтимоий хизматлар кўлами кенгаяди



2023 йил октябрь ойдан
бошлаб 28 та туман(шаҳар)да
“Инсон” ижтимоий хизматлар
марказлари ўз фаолиятини
бошлаган эди. Жорий ойдан яна
56 та туман ва шаҳардаги “Ин-
сон” марказларида 1 425 нафар
ижтимоий ходим фаолияти йўл-
га қўйилиши режалаштирилган.

Гап шундаки, ижтимоий ходим-
лар сонининг 2 баробар ошиши
хизмат кўрсатиш кўламини янада
кенгайтиради. Эндиликада муҳтож
оилаларни қамраб олиш ва назор-
рат қилиш жараёни осонлашади.
Ижтимоий ҳимояга муҳтож шахс-
лар вилоят ёки туман марказига
боришига ҳожат қолмайди.

Ижтимоий хизматлар маҳал-
лада кўрсатилади. Шунингдек,
ижтимоий хизматларни кўрсатиш
тизимли йўлга қўйилади. Бунда
муҳтож шахсларнинг муаммолар-
ини ижтимоий ходимлар тўлиқ
ўрганиб, баҳолашдан ўтказган ҳол-
да уларни оғир вазиятдан олиб
чиқишда ёрдам кўрсатади.

Ижтимоий ходимлар сафига
қўшилишни истаганлар васалсу.
argos.uz сайти орқали ариза топ-
шириши мумкин.

СИЗ УЧУН МУҲИМ

Даромад солиғини қайтариб олиш тартибини биласизми?



Даврон ҲОШИМОВ,
Солиқ қўмитаси бош инспектори.

Жараён “my3.soliq.uz”
сайтидаги шахсий кабинетга
киришдан бошланади. У ердан
“Барча хизматлар” бўлимига
ўтилиб, “Жисмоний шахслар”,
сўнгра “Жисмоний шахснинг
жами йиллик даромадлари
тўғрисидаги декларация”
тугмаси босилади.

Очилган ойна орқали Солиқ
кодексининг 393-моддасида
келтирилган даромадлар
бўйича декларация топшириш
мумкин. Бу даромадларга
муаллифлик ҳақи, грант,
фоизлар, дивидендлар ва бошқа
мулкий даромадлар, шунингдек,
солиқ агентлари бўлмаган
ва Ўзбекистон Республикаси
худудидан ташқаридаги

манбалардан олинган
даромадлар қиради.

Дейлик сиз, ўзингиз,
фарзандингиз, шунингдек
26 ёшга тўлмаган турмуш
ўртоғингиз учун тўланган
контракт суммасидан 12 фоиз
микдорида даромад солиғини
қайтариб олиш учун декларация
топширмоқчисиз.

Бунда, “Декларацияни
тўлдириш” бўлими босилганда
фуқаронинг умумий
маълумотлари автоматик
шаклланади ва декларация
туридан “Жами йиллик
декларация” ҳисобот шаклини
танлаб, ҳисобот тури, йил, давр
қаторлари тўлдирилади ва
“Сақлаш” тугмаси босилади.

Кейинги саҳифада
фойдаланувчининг иш жойи,
йиллик иш ҳақи ҳамда тўланган
даромад солиғи суммаси

тўғрисидаги маълумотлар
автоматик шаклланади.
Фойдаланувчи томонидан
асосий ёки асосий бўлмаган иш
жойидан бирига белги қўйилиб
“Сақлаш”, сўнгра “Кейинги”
тугмаси босилади.

Навбатдаги жараёнда
“Ҳисобот шакллари”дан “Солиқ
имтиёзлари” бўлими танланиб,
“Имтиёз тури” қаторидан “Солиқ
солинмайдиган даромадлар”
танланади. “Имтиёзлар
тоифалари” бўлимидан 16.1-
банд белгиланади.

Кейинги қаторга талабанинг
14 та рақамдан иборат
идентификация рақами
киритилганда, унинг фамилияси,
исми-шарифи, туғилган санаси,
таълим олаётган ўқув юрти,
факультети, таълим шакли
ва босқичи тўғрисидаги
маълумотлар автоматик

шаклланади.

Сўнгра ўқув юртининг
идентификация рақами, номи,
шартнома рақами ва санаси,
шунингдек, контракт учун
йўналтирилган сумма тегишли
қаторларга киритилади.

Шундан сўнг файлни юклаш
тугмаси орқали контракт тўлови
квитанциялари, шартнома
бириктирилиб, “Декларацияни
сақлаш” тугмаси орқали
кейинги босқичга ўтилади.

Навбатдаги босқичда
“Даромад солиғи ҳисоб-китоби”
бўлимига ўтилади, солиқ
тўловчига қайтариладиган
даромад солиғи микдори
пастки қаторда автоматик
пайдо бўлади. Маълумотларнинг
тўғрилигига ишонч ҳосил
қилинганча, “Жўнатиш” тугмаси
босилади.

Декларация топшириш

МАЪЛУМОТ УЧУН:

Нодавлат мактабгача
таълим ташкилот-
ларига қилинган
тўловлардан даромад
солиғини қайтариб
олиш учун 16.2-банд,
Ипотека кредитига
тўланган маблағлар-
дан даромад солиғи-
ни қайтариб олиш
учун эса 16.4 банд
танланади.

жараёни яқунланди. Энди
контракт учун тўланган
суммадан даромад солиғини
қайтариб олиш учун солиқ
органига электрон ариза
юбориш лозим. Бунинг учун
my.soliq.uz сайтидаги шахсий
кабинетга кириб “Жисмоний
шахсларнинг ортиқча тўланган
солиқ суммаларини қайтариш”
электрон хизмати танланади.

Очилган ойнадаги
қаторларга сўралган
маълумотлар ҳамда банк
пластик картаси маълумотлари
киритилиб, “Жўнатиш”
тугмаси босилади. Ариза
юборилганча, ҳужжатларда
камчиликлар ёки бошқа
солиқ туридан қарздорлик
бўлмаса, белгиланган даромад
солиғи суммаси 15 кун ичида
жисмоний шахснинг банк
пластик картасига қайтарилади.

ЯНГИЛИК

Ижтимоий ҳимоя кучайтирилади



Президент имзолаган тегишли
қонун билан айрим қонун
ҳужжатларга ўзгартириш ва
қўшимчалар киритилди.

“Ижара тўғрисида”ги қонун-
га ижарачининг ногирон бўлиб
қолганлиги ижара шартномасини
туғатиш учун асос бўлишини бекор
қилишни назарда тутувчи ўзгарти-
ришлар киритилди.

“Фуқароларнинг давлат пенсия
таъминоти тўғрисида”ги қонунга
киритилган ўзгартиришга кўра, пен-
сионерга ҳисобланган, лекин унинг
томонидан талаб қилиб олинмаган
пенсия суммасини тўлаш муддати
12 ойдан 24 ойгача узайтирилди.

Шунингдек фуқароларга пенсия
тайинлаш учун давлат хизматлари
марказлари ёки ЯИДХП (my.gov.
uz) орқали мурожаат қилиш ҳуқуқи
берилди.

Бундан ташқари, қонунда пен-
сиянинг энг кам микдори энг кам
истеъмол харажатлари даража-
сидан оз бўлмаслигини белгилаш,
пенсиялар микдорларини йил да-
вомида товарлар ва хизматлар-
нинг истеъмол нархлари индекси
даражасининг ўсиш суръатларини
инобатга олган ҳолда ошириб
бориш тартиби аниқлаштирилди.

Шу билан бирга, “Фуқаролар-
нинг жамғариб бориладиган пенсия
таъминоти тўғрисида”ги қонунга
фуқарода давлат пенсия таъминоти
ҳуқуқи юзага келгани тўғрисида
Пенсия жамғармаси томонидан
Халқ банкига ахборот тизимини орқали
электрон шаклда юбориладиган
маълумотлар фуқаронинг пенсия
тўловларини олиши учун асос бў-
лишини назарда тутувчи ўзгарти-
ришлар киритилди.



Ўзбекистонлик
БЕКТЕМИР МЕЛИҚЎЗИЕВ
ўзининг ўн бешинчи
жангини 20 апрель куни
Лас-Вегасда ўтказди.



WBA йўналишида
жаҳон чемпиони
Исроил Мадримовга
МАЙОР МАХСУС
УНВОНИ
топширилди.



2019-2023
йилларда
77 НАФАР СПОРТЧИНИНГ
келишилган ўйинлардаги
иштироки
аниқланган.

ЯНГИ ЛОЙИХА

“Қизлар академияси” — замонавий касблар сари муҳим қадам



Севара ПОЛВОНОВА,
ёшлар ишлари агентлиги
бош мутахассиси.

Аёлнинг билимли ва зукко бўлиши оилада соғлом муҳит шаклланиши ҳамда фарзандлар тарбиясида муҳим сабабларга кўра ўқишга имкон топа олмаган, шароит тақозоси билан орзулари армонга айланган хотин-қизлар талайгина. Энди уларга ўзига хос имконият яратилади...

Ҳап шундаки, хотин-қизларнинг уйда ўтирган ҳолда ўқиши ва ишлаши учун “Қизлар академияси” платформаси ишга туширилади. Платформада тадбиркорлик, маркетинг, психология каби замонавий касбларни мобилъ илова орқали ўрганиш имконияти мавжуд. Янги лойиҳа ёш тадқиқотчилар, олимлар, ижодкорлар ва экологларни бирлаштиради, улар ўртасида эркин мулоқот майдонини яратди. Шу орқали ижтимоий муаммоларни биргаликда муҳокама қилиш ва уларга ечим топиш имкони туғилади.

Лойиҳа 2024 йилда тўлиқ ишга туширилади. Унга 16 ёшдан 30 ёшгача бўлган, чекка ҳудудларда истиқомат қилаётган, эшитишда нуқсонли бўлган хотин-қизлар, уй бекалари, бола парвариши билан машғул бўлган аёллар қамраб олинади.

“Қизлар академияси” лойиҳаси 7 та модулни ўз ичига олади.

Хуқуқий модул — ёш хотин-қизларнинг хуқуқий билимларини оширишга хизмат қилувчи, уларнинг қонуний манфаатларини ҳимоя қилишга қаратилган.

Психологик модул — аёлларнинг психологик баркамоллигини таъминлаш, ёш даврларига хос психологик инқироздан чиқишда индивидуал ёндашувни тadbик этиш, ижтимоий муҳитдаги мавжуд муаммоларга адекват ечим беришда психологик билимларни ривожлантиришни ўз ичига олади.

Репродуктив саломатлик модули — соғлом турмуш тарзини шакллантириш, репродуктив саломатликни таъминлаш, эндокринологик, гинекологик касалликларни олдини олиш, зарарли иллатларга қарши курашиш, оналикка тайёрлаш мақсадида ёш хотин-қизлар комплекс саломатлигини мустаҳкамлаш ва ёш оналар тиббий саломатлигини таъминлаш йўналишларини қамраб олади.

Тадбиркорлик ва хунармандчилик модули — молиявий саводхонлиқни ошириш, тадбиркорлик кўникмаларини ривожлантириш, ёш хотин-қизлар хунармандчилик фаолиятини такомиллаштириш мақсадида тадбиркорлик фаолиятини бошлаш учун бирламчи билимлар, онлайн тижорат соҳаси ҳамда хунармандчилик йўналишларини ўз ичига олади.

IT ва медиа модули — ёш хотин-қизларнинг медиа саводхонлигини ошириш, медиамаҳсулотлар тайёрлашда зарур ҳисобланган дастурлаш тилларини ўргатиш, мобилография, график дизайн, видеомонтаж кўникмаларни шакллантиришдан иборат.

Лойиҳа бошқаруви модули — ёш аёлларга вазифаларни режалаштириш, вақтни тўғри

Лойиҳа 2024 йилда тўлиқ ишга туширилади. Унга 16 ёшдан 30 ёшгача бўлган, чекка ҳудудларда истиқомат қилаётган, эшитишда нуқсонли бўлган хотин-қизлар, уй бекалари, бола парвариши билан машғул бўлган аёллар қамраб олинади.

сарфлаш, танқидий фикрлашни ошириш, мулоқот маданиятини шакллантириш, жамоа аъзоларини тўғри танлаш ва уни назорат қилишни ўргатади.

Таълим модули — ёш хотин-қизларни тадқиқотчилик фаолиятига жалб қилиш, илмий иш юзасидан адабиётлар рўйхатини шакллантириш, хорижий конференциялар билан танишиб бориш, маҳаллий ва халқаро илмий нашрларнинг мутолаа маданиятини шакллантириш, интернет тармоғидаги илмий платформалар билан тўғри ишлаш кўникмаларини ривожлантиради.

2024 йил давомида 500 га яқин дарслик “Youtube” платформасига жойлаштирилади. Ҳар бир модул курси охирида иштирокчиларга сертификат берилади ва фаол бўлган хотин-қизларни рағбатлантириш мақсадида турли танлов, лойиҳалар, ўқув оромгоҳлари, стажировкалар ташкил қилинади.

Хозирги кунда лойиҳа ҳамда унинг бренди ва логотипи ишлаб чиқилди. Ҳар бир модулга тааллуқли маърузачи ўқитувчилар рўйхати шакллантирилмоқда ва дастлабки видеодарслар тасвирга олинди. Лойиҳани оммалаштириш мақсадида республикадаги 9 452 та маҳалладаги ёшлар етакчилари орқали маҳалла, мактаб, касб-хунар коллежлари ва лицейлар ҳамда ОТМларда тарафбат тадбирлари ўтказилди. Шунингдек, “Қизлар академияси”нинг ижтимоий тармоқлардаги саҳифалари яратилади.

ЯНГИЛИК

ХОТИН-ҚИЗЛАР ТАДБИРКОРЛИГИ ҚЎЛЛАБ-ҚУВВАТЛАНАДИ

Президентнинг “Хотин-қизларнинг тадбиркорлигини йўлга қўйиш ва ривожлантиришни қўллаб-қувватлашга оид қўшимча чора-тадбирлар тўғрисида”ги қарорига мувофиқ, Савдо-саноат палатаси, АТ “Халқ банки”, “Бизнесни ривожлантириш банки” АТБ ва “Микрокредитбанк” АТБда:

- ташаббускор хотин-қизларнинг бизнес лойиҳаларини ишлаб чиқишга қўмаклашиш;
- маҳаллаларда хотин-қизларни тадбиркорликка ўқитиш;
- хотин-қизлар тайёрлаган маҳсулотларни сотиш;
- кооперация асосида лойиҳаларни амалга оширишга қўмаклашиш;
- лойиҳалар амалга оширилишини кузатиб бориш ва аёл тадбиркорлар билан доимий мулоқот қилишни назарда tutувчи хотин-қизлар тадбиркорлигини қўллаб-қувватлаш тизими яратилади.

2024-2025 йилларда тадбиркорлик, даромад топишга қаратилган муайян меҳнат фаолияти билан шуғулланиш ва фаолият турини кенгайтириш истагини билдирган хотин-қизларни қўллаб-қувватлаш дастури ишлаб чиқилади. Ушбу Дастурни Хотин-қизлар тадбиркорлигини ривожлантириш бўйича махсус комиссия тасдиқлайди ҳамда ҳар ой якуни билан комиссия йиғилишида амалга ошириладиган ишлар самараси ва натижадорлиги муҳокама қилиб борилади.

Кредит ажратишда устуворлик “Ижтимоий ҳимоя ягона реестри” ахборот тизимига, “Аёллар дафтари”, “Ёшлар дафтари” ва “Темир дафтар”га киритилган хотин-қизлар тақлиф этаётган лойиҳаларга берилади.



Сидиқа БАФОЕВА,
Когон шахридаги
“Арабхона” маҳалласи
хотин-қизлар фаоли,
II даражали
“Соғлом авлод учун”
ордени совриндори.



“Ёнингизда ёрдам берувчилар кўп”

ТАЖРИБА

Ишда бирор ижобий натижага эришман, деган ходим доим ҳаракатда бўлиши керак. Айниқса, маҳалла тизимида хонада ўтириб, бирор муаммога ечим топишнинг иложи йўқ. Қанча кўп одамлар орасида, халқ билан суҳбатда бўлсак, аҳолининг яшаш шароити шунча яхшиланиб бораверди.

Шу маънода хотин-қизлар билан ишлаш жараёнида имкон қадар уларнинг ҳолидан тез-тез хабар олишга, ўй-фикрлари билан ўртоқлашишга уринаман. Ҳудудимизда жойлашган 53 та кўп қаватли уйларни ҳафтанинг уч кунига тақсимлаб олганман. Режа бўйича белгиланган вақтда белгиланган хонадонларни ўрганаман. Уйбошиликка сайлаб қўйилган аёллар билан суҳбатлашиб, оилалардаги ҳолатни, муаммоларни таҳлил қиламиз.

Айтайлик, кимнингдир қизи оилавий келиш-мовчилик сабаб уйига қайтиб келган. Шундай вазиятда ота-онанинг ташвиши ўзига етарли бўлади. Уларнинг олдига кириб, қизингиз нега қайтиб келибди, деган савол билан мурожаат қилиш жуда ноқулай, назаримда. Шунинг учун аввалига ҳол-аҳволини сўраган киши бўлиб, эшигини тақиллатамиз. Баъзан муаммоси ҳақида оғиз ҳам очмаймиз. Вақт ўтиб, ўзлари маҳалла идорасига ёрдам сўраб боришади.

Олдимга дардини айтиб келган аёлнинг қар-шисига ўтираман-да, икки қўлини кафтларим ора-сига оламан. Бу уларга анча далда бўлади. Ёнида кўмак берадиган инсон борлигини ич-ичидан ҳис қилиб, анча енгил тортади. Кўнглидаги ҳамма гапларини гапириб бўлгач, масаланинг бошқа жиҳатларини ҳам пухта ўрганиб чиқамиз. Шундан

Олдимга дардини айтиб келган аёлнинг қар-шисига ўтираман-да, икки қўлини кафтларим ора-сига оламан. Бу уларга анча далда бўлади. Ёнида кўмак берадиган инсон борлигини ич-ичидан ҳис қилиб, анча енгил тортади.

кейингина ёрдам бериш усулларини излаймиз. Маҳалламиздаги оқила аёллар, кексалар гуруҳи аъзолари билан маслаҳатлашамиз. Таърибамиз давомида кўпинча оилалардаги келишмовчиликнинг сабаби эркакнинг ишмас-лиги, моддий етишмовчилик эканига гувоҳ бўла-миз. Ҳоким ёрдамчиси билан бирга ишсизларни ишга жойлаймиз. Руҳий тушкунликка тушган келинларнинг кайфиятини кўтаришда эса Когон шаҳар касб-хунар мактаби психологи Азизахон Ташова катта ёрдам бериб келмоқда.

Маҳалламиздаги 67 та тадбиркорлик субъ-ектининг 9 тасини тикув цехлари ташкил этади. Хотин-қизларнинг кўпчилиги шу ерда меҳнат қилиб, даромад топишяпти. Башорат Нажимова йигирма йилдан буюн тадбиркорлик фаолияти билан машғул. Аввалига уйда тикувчиликни бошлаб, секин-аста иш ҳажмини ошириб борди. Айни вақтда 7 та тикув машинаси бор. Бундан ташқари, эҳтиёжманд ва “Аёллар дафтари”га киритилган фуқароларга хунарининг нозик сир-ларини ўргатиб келмоқда. Ўтган йили маҳалламиз ва қўшни ҳудудлардаги 45 нафар хотин-қизнинг касб-хунарли бўлишига муносиб ҳисса қўшди. Шогирдларидан 6 нафари субсидия, 2 нафари

кредит асосида тикув машинасига эга бўлишди. Хозир қўллари анча келишиб қолган. Кийим-кечак, кўрпа-тўшак ҳамда чойшаблар тикиб, бозорга чиқаришяпти.

Аёлнинг сабри ва матонати чексиз. Буни маҳалламиздаги Раъно Шокирова мисолида яққол кўриш мумкин. Бу оила ишлаб, пул топиш мақсадида узоқ йиллар хорижда истиқомат қил-ган. Синовини қарангки, қурилишда ишлайдиган 19 ёшли ўғли юқори қаватдан йиқилиб, ногирон бўлиб қолади. Онанинг изтироблари камдек, турмуш ўртоғи ҳам уларни дарду ташвиши билан ёлғиз ташлаб кетади. Ноилжоз ўз уйларига қайтиб келган она ва ўғил узоқ вақтгача ҳеч ким билан гаплашмади. Аёлни ҳам анча эзиб қўйганди. Бун-дай вазиятда уни ёлғиз қолдирмадик. Ҳаёт давом этиши, қандайдир фаолият билан машғул бўлиши кераклигига ундадик. У аввалига уйда тикув-чилик қилди, кейин уйларни таъмирлаш бўйича таърибасини ишга солиб, ўз хонадонини чиройли кўринишга келтирди. Ёнига иккита шогирд олиб, даромад топишни бошлади. Онасининг руҳан тетиклашганини кўрган ўғилнинг саломатлиги анча яхшиланди. Хозир уларнинг олдига қўйган мақсадлари талайгина.

Тақлифим: Маҳалладаги муаммоларга ечим топишда кўпроқ нурунийлар билан ишлаш керак. Уларнинг узоқ йиллик ҳаётий таърибаларидан унумли фойдаланиш, албатта, ўз натижасини беради. Баъзан тарбияси оғир бўлган ёшлар кексаларнинг икки оғиз гапи билан тартибга келганига гувоҳ бўлганмиз. Уларнинг сўзида ўзгача сеҳр мужжасам.



Mahalla

Ўзбекистон маҳаллалари
уюшмасининг ижтимоий-сиёсий,
маънавий-маърифий газетаси

Бош муҳаррир:
Бахтиёр АБДУСАТТОРОВ
Дизайнер:
Абдулазиз АҲМЕДОВ

Ўзбекистон Республикаси
Президенти Администрацияси
ҳузуридаги Ахборот ва оммавий
коммуникациялар
агентлиги томонидан
2019 йил 24 сентябрда
0019 рақами билан
давлат рўйхатидан ўтказилган.

Муассис: «Mahalla» nashriyot-
matbaa uyʻi MCHJ

Тахририят манзили:
100192, Тошкент шаҳри
Мустақиллик шоҳ кўчаси 59-уй.
Телефонлар:
71 233-39-89, 71 233-10-92.
Нашр кўрсаткичи: 148

«Шарқ» НМАК
босмахонасида чоп этилди.
Босмахона манзили:
Тошкент шаҳри
Буюк Турон кўчаси 41-уй.



Ўлчами — 380x587, 4 б.т.
4 645 нусخада чоп этилди.
Буюртма №: 320

Газета тахририят компьютер
марказида саҳифаланди ва
офсет усулида босилди.